

## **MINGGU' KO-DUVO NGOOPD OM VAHU' TOUN A - 15 October 2023**

Pambasaan ngaavi' do Tadau Minggu baino' popoiho dotokou kokomoi' do kapamahaavan om koponomposizan do Kinoingan montok do tuhun ngaavi' Disido.

Om boos paantazan do puun toi tema' do pambasaan ngaavi', 'Id di Kristus, tuhukon i' doi Kinoingan o savi-avi' i gunoon dotokou, sosiisinima' do i kii-Kinoingan no o kaanu. Saviavi' tokou au' monguo do songkuo po do au' dati' tokou kapadan, nga' angaahap doid dii Pangaangakan-Pisasavaan di Tanak Dau'.

Nga' okonko saviavi' o kaanu sumimba do pagahapan do Kinoingan. Poingamung di sontob' mada' toi au' monoimo di tahap Disido nopo nga' ii Johudi ngaavi'. Hobi no' di mohoi ngon padri ngaavi' om i buuan do tuhun ngaavi' ii ginabasan di Jesus do mokikavo-kavo boovihan' do poposodia om popotunud do tindahanon kumaa pomolintaan do surga. Om boovihan kokomoi' do Pangaangakan Pisasavaan mongukup do susuzan do Kinoingan do tumoguvang monoina' miampai do tuhun ngaavi'. Manaak Isido do taak do koponomposizan' Kaandak toi hizab do Kinoingan nopo' nga' do oinsanan tuhun atampasi daa. Om pinopointahang Dau-sondii' doid tuhun ngaavi' mooi do kaanu daa ngaavi' do baagi di suang kopolosizon do Kinoingan om balakat ngaavi' do kopomosizan. Id kopolosizon dotokou do tikid tadau ogumu o kosivatan do mikot id dotokou om kosivatan' tangavasi ngaavi' diti mogovit dotokou do umondos om do kopopounsikou om nung' kosivatan tangavasi ii' mositi nogi daa do sivaton dotokou do monoimo' nung au' kivaa mai' do sonso' do ginavo do touvi tadau.

Miaga kozo' dii tahap ngaavi' do pisasavaan, kaandaman om suusauvai po' i iso' kosivatan do apatut' sivaton tokou do tumindapou. Iso tahap di kopopounsikou tu' kosoomo tokou do tobpinai, ualis om tambahut ngaavi. Nga' somoonu mai' do au' tokou momohizo do tahap do tobpinai ngaavi' dotokou' ogumu o ponimba dotokou do au' koikot toi au' kotindapou.

Id Abal Tavasi di baino' minonusui i Tuhan Jesus do boovihan kokomoi do kalamazan pisasavaan di nokotounda do songuhun laja montok di tanak dau. Sapi pinohombon nga' nokoot om tahap ngaavi' nga' nokobuzu' noikot ginumu do tahap kaampai no' ii tongopuavang do naaahap, ii kigagaa' om totootopot nopo nga' mimang i laja do ii nopo kalamazan pisasavaan di tanak dau nga' iso kaandaman di au' miho do ohiivan. Li no pihi toi hizab disido, nga' songian nokotounda i kalamazan au' minikot i nangaahap'. Atangkangau izioho do ahal dioho sondii. Mantad dii diho' do minagahap i laja do saviavi tuhun do mikot id kalamazan pisasavaan di tanak dau. Minagahap isido dii mobubuvat, ii monginginsada, mosikin om ii mokikiukut om suusuvai po. Om ii nopo kopopotigog nga'

naahap nogi disido i momimidouso ngaavi' kaampai no I tongotuhid nga' okonko saviavi' do posuangon di hamin toi kosuang di kalamazan.

Pinointahang di Jesus do sundung potuu' do pomolintaan do Kinoingan nopo nga' montok saviavi' tuhun nga' mositi dumadi o songuhun' tuhun tutumanud di ouhi. Nung toimoon tokou i tahap apatut do manambasaan tokou di basaan do piasavaan. Om iti no' ponuu do manambasaan do basaan piasavaan nopo' nga' iso kopoingatan do toiso-iso dotokou montok do kopoulosodan dotokou do touvi tatau. Mositi manambasaan tokou di basaan do kopouloson di obitua. Nung mooi toomod tokou sambayang Minggu au' nogi kapanantu ii do kopouloson dotokou. Mooi do atampasi tokou` mositi manambasaan tokou do kopouloson tobitua.

Om nokoiho tokou ngaavi' do minanaak o Kinoingan do konunu-konunu ngaavi' doid di Eklizia om minanaak do Sacrament ngaavi' dadi iho nodi poogi do kanou no dodizo o ponuu ngaavi do Eklizia om Sacrament ngaavi' do sabaagi do gaung piasavaan dotokou' mooi do kaamung tokou di pangaangaan tagazo do surga tu' minoboos i Jesus do ogumu' ii ohoou, nga' okuudi' ii opihi... Amen.

Mantad: C. Jinidu